

RADAR

NR. 3 — 2021 · 37. ÅRGANG · KYRKJEBLAD FOR RADØY SOKN



2-3
Speidar
sommarskule

5-7
Ny serie:
Etikk, takk!

Speidar-sommarskule på Radøy

Av Wilco Vogelaar

Radøy KFUK-KFUM-speidaraarrangerte sommarskule i første halvdel av august. Det skjedde i samarbeid med kyrkjapå Radøy og Alver kommune, og fann stad på Toska, ved Nesvatnet i Vikingvågen, på veg mot Skageneset.

Borna som hadde meldt seg på, fekk prøva seg på grunnleggjande speidarevnner. Det var pionering (byggja med stokkar og tau), og orientering (finna veg i terrenget med hjelp av kart og kompass), dei tok ein tur i kano, og i slutten av veka fekk dei besøk av ein kokk frå Fedje som heiter Jostein Husa, også kjend som Sankaren. Han viste oss korleis ein kan finna mat i fjøra, og korleis ein kan gjera det i stand. Borna fann og smaka mykje «rart» den dagen, og dei storkosa seg.

Tidlegare i veka stod altså pionering på programmet. Med berre stokkar frå skogen og ein bunt med tau klarte dei å laga fleire tårn, og laga bruer mellom dei. For å reisa desse byggverka trond dei å læra mange slags knutar og surringer. Og når ein skal laga til dømes ein stige, gjev det rikeleg høve til å øva fleire gonger på same knuten.

Alt i alt var speidar-sommarskule variert, lærerikt og gøy. Berre sjå på bileta her!

Har du lyst å finna ut meir om speidaraarrangerte på Radøy? Besøk oss på radoy.kmspeider.no



Speidarleiarar: Jan Erik Mills og Wilco Vogelaar.



Stige: Tian Thingnes Valdersnes, Markus Marøy Ervik, Wilco Vogelaar, Jakob Vogelaar, Isak Sjursen Daae og Noa Sjursen Daae sjekkar at byggverket held!



Ved bålpanna: "Sankaren" Jostein Husa, Thorbjørn Nordan-
ger, ungdomsleiar Bilal Yusuf og Tea Kvinge-Dalland gjer
i stand maten dei har funne i fjøra.



To gutter med fin bakgrunn: Noa Sjursen Daae og Jakob Vogelaar..



Kano som blir skubba ut i vatn: Jan Erik Mills og speidrarar på veg ut i kano.



Speidarhelsing: På sjølvlagda byggverk gjør ei speidarhelsing: Erlend Andersen, Liva Stevnebø Dalland, Wilco Vogelaar, Cornelius Helbro Dalland, Markus Grindheim, Harald Låstad Herland, Amanda Golten, Minda Brakstad Dal, Jan Erik Mills og Sebastian Tjore Hermansen.

 **DYNAPLAN®**

Experiencing the future

BUNNPRIS®

BØVÅGEN MAT. TLF 56 37 00 90

REMA 1000

MANGER SENTER

07.00-23.00 - 56 37 22 55

**Frantzen's
Gartneri**
BLOMSTERFORRETNING
Manger Senter • 5936 Manger • Tlf.: 56 37 34 77

**Manger
Tannlegesenter**
Tannlegane Tor Skutle og Sondre V. Håland

FISKENETT
MANGER
5936 Manger
tlf 56 34 98 60
www.fiskennett.no

Undergraving av Manger kyrkje

Tekst og foto: Håkon Glatved-Prahls

Arne Palmesen har ikkje tal på kor mange kubikk med gjørme og småstein han har bore ut frå grunnen under Manger kyrkje, men det er snakk om hundrevis med lass.

– Då det var frost i ein lengre periode sist vinter, fann eg ut at no var tida inne for å ta jobben. Jorda var forholdsvis tørr, og det var ganske enkelt å spa opp jordmassane som har lege under kyrkja i mange, mange år. Det var slett ikkje bra at dei blaute jordmassane låg der, seier Palmesen når han saman med kollega Enird Skendoj viser Radar arbeidet som er utført.

I samband med oppstivinga av Manger kyrkje for nokre år sidan, vart inngangspartiet til «undergrunnen» snevra inn, slik at det ikkje let seg gjera å få ei trillebår ut og inn gjennom den smale dørropninga. Difor var det kun handemakt og bering som nyttar.

Brukte steinen om att

– Ja, det var eit slit. Gjørma måtte berast ut i trau, i kanskje tusen omgangar. Men det blei bra til slutt. Ein god del av steinen som vart frakta ut, kunne vi ta inn att etterpå når all jorda var borte, fortel fagarbeidar Palmesen, som har 13 år bak seg med stell av gravplassar og anna

forefallande utearbeid ved kyrkjene på Radøy.

No er det fylt opp med pukkstein og grovsingel på fjellet under kyrkja. Palmesen har også støypt ein kum, som vatnet kan samlast i, for så å bli pumpa ut av kyrkja og ned i grunnen utanfor borte ved bilvegen.

Arne Palmesen ved inngangen under kyrkja.

STØTT RADAR

Takk for at du les Radar! Har du lyst å støtta bladet økonomisk? Annonsørane våre dekkar ein del av utgiftene - det er me svært takksame for!

Du kan betala den frivillege kontingenten til kontonr: **3636 07 04682** eller til VIPPS nr **24042**. Merk innbetalinga med "Støtte til Radar"

På førehand takk!



Arne Palmesen og Enird Skendoj har gjort eit storarbeid under kyrkja

– Vi har dessutan lagt ned fire røyr som fører vatnet til kummen, slik at det for ettertida ikkje skal samla seg vatn og gjørme under kyrkja. I løpet av hausten, før haustregnet set inn, skal vi ha pumpa på plass og alt skal vera på stell, seier Arne.

Kjøpte umontert trillebår

– Det er litt av ein jobb som er gjort?

– Ja, det var mange tunge tak, men eg hadde gode medhjelparar. Under kuldeperioden brukte vi nesten alle føremiddagene her. No har vi fylt på med ny og gamal stein, så det er tørt og fint under bygget.

Palmesen fortel at når dei ikkje kunne bruka trillebår til å frakta ut jorda med, så monterte dei ei ny trillebår på innsida. Den brukte dei til å fordela pukksteinen utover fjellet under kyrkja.

– Då eg kjøpte trillebåra og ba om å få ho umontert, sa ekspeditøren at det var første gong dei hadde blitt bedne om at ei trillebår ikkje måtte vera ferdig montert. Grunna det smale inngangspartiet, måtte vi skru ho saman på innsida, humrar Arne Palmesen.

Den iherdige fagarbeidaren ser fram til å avslutta undergrunnsarbeidet i løpet av hausten.

– Det er godt å få det gjort, fastslår han.

Vipps
nr. 24042

Etikk i fokus – kvifor det?

Tekst: Arthur Kleiveland

Foto: Privat

Svaret på spørsmålet overskrifta stiller, er: Fordi det handlar om dei vala vi gjer kvar einaste dag.

– Måten vi snakkar om kvarandre på er utruleg avslørande. Til sist er det kvardagsvala som blir avgjeraende – dei avslørar bakanforliggjande haldningar, seier tidlegare Bjørgvinbiskop Ole D. Hagesæther.

«Skal eg seia ja eller nei?» «Skal eg gje eller ta?» "Skal eg oversjå, tilgje, kryssa grenser, stå opp for noko eller velja minste motstands veg?"

Når kyrkjebladet tar opp etiske spørsmål, ser ikkje Hagesæther bort frå at det kan vera nokon som «ryggars».

– Mange opplever etikk som noko veldig teoretisk, moral på si side kan opplevast påtrengjande. Men det treng ikkje vera slik. Vi treng etikken til å underbyggja dei vala vi gjer. Moral er ryggrada i livet vi lever, og handlar om daglege, meir eller mindre ubevisste val – slik det er tusen av i løpet av ein dag, seier Hagesæther.

El-bil, samliv og livets slutt


Han meiner valet mellom el-bil eller bilar med fossilt drivstoff bør vera gjenstand for etisk refleksjon. Det same gjeld viljen til gjenbruk. Og Hagesæther held fram:

– Korleis vi ordnar samliva våre bør ikkje vera basert på det tilfeldige. Våre val ved livets start og avslutning bør absolutt sjåast og reflekterast i eit etisk perpektiv, seier han.

Vi lever berre ein gong, vi har aldri gjort det før. Hagesæther ser det er veldig krevjande å velja veg utan haldepunkt – spesielt når vi ikkje har viskelær i verktøykassen. Difor tenker han det kan vera klokt å lytta til andre sine erfaringar, særleg når ein kjenner eit personleg behov.

Ein farfar i livet

– Ingen ønskjer å få kloke menneske sine «storarta erfaringar» tredd nedover hovudet på seg. Annleis er det når råda kjem frå ein som vi har tillit til, seier Hagesæther, og samstemmer med artisten Odd Nordstoga om at «Ein farfar i livet skull alle ha» - «ein bessfar å vende seg til med alt ein går rundt og lurar på». «For farfar har vore her



før».

– Vi treng forbilde. Teikningar som nokon før oss har lagt etter seg, og som vi andre kan brukha når vi skal teikna våre eigne liv, seier Hagesæther. Som gut hadde han eldre kristne ungdommar som forbilde. I samlivet med Else Liv har han og kona hatt andre ektepar som forbilde.

– Vi ser korleis dei møter kvarandre, ventar på kvarandre, og stimulerer kvarandre.

«Fru Johnsen»

Ole D. Hagesæther er tydeleg på at vi sjølv må ta ansvar for dei vala vi gjer, og at vala våre i praksis viser kva moralsk standard vi har.

– Vi kan lytta til andre, men er ansvarlege for vala sjølv. Slik må det vera - vi er frie menneske. Det er plagsamt når andre menneske tiltar seg definisjonsmakt og bestemmer over andre sine liv.

Hagesæther viser til kontrastane som «Fru Johnsen» opplevde, ifølgje Inger Lise Rypdal sin song; «Tilsynet for høg moral» sette seg til dommar over hennar livsførsel, samtidig som dei sjølve i det skjulte levde usannferdig og løgnaktig. - Det må ikkje vera slik, seier han.

Vårt store forbilde

Hagesæther framhevar at vårt store felles forbilde, Jesus, sette alt på plass då han sa at den som var rein, kunne kasta den første steinen (Johannes-evangeliet kapittel 8).

– Vilje til å vera raus er eit kjenneteikn på god moral. Respekt for menneskeverd er ein verdi alle bør samla seg om. Over heile jorda er Jesus eit udiskutabelt forbilde. Han levde som han lært. Han har heile oversikta.

– Her i kyrkjelydsbladet vil vi henta fram nokre av dei sterke formuleringane han la igjen etter seg. Livsstilen hans viser oss moral i praksis.

FYLKESORDFØRAR JON ASKELAND:

- Asylsaka var eit stort etisk dilemma

Tekst og foto: Håkon Glatved-Prahls

Usemjø og dei steile frontane i samband med forslaget om å leggja eit asylmottak til Hordabøheimen i 2015, var den verste saka Jon Askeland hadde som ordførar på Radøy.

– Det var eit ufatteleg etisk dilemma. På den eine sida hadde Noreg som nasjon ei plikt til å hjelpe fortvila flyktningar ved å leggja til rette for asylmottak i kommunane. På den andre sida utløyste forslaget om asylmottak på Hordabøheimen både sinne og sterke anklagar. Radværingane var splitta på ein måte som tok nattesøvnen frå meg meir enn ein gong, seier Jon Askeland.

Han hugsar folkemøte frå den tida som var heilt forferdelege. Det er eigentleg det verste som kan skje eit lokalsamfunn, at ei bygd og innbyggjarane i kommunen kan bli så fullstendig splitta i ei så krevjande sak, meiner han.

– Det var særdeles tungt. Men så viste det seg at det ikkje blei semje mellom Norsk Mottaksdrift og huseigar Radøy Bemannings AS om leigeavtale, og planane på Hordabøheimen vart skrinlagde. Cirka trekvart år seinare vart det etablert asylmottak på Radøytunet. Og då stilte Hordabø opp! Det var flott å sjå! Heile Radøy-samfunnet stilte opp for asylantane.

To store etikksaker

Den sindige senterparti-karen frå Sæbø vart vald til ordførar i Radøy i 2007, og gjekk frå dette vernet direkte over til å bli fylkesordførar i nye Vestland fylkeskommune for to år sidan. Han meiner det var langt fleire etiske problemstillingar tidlegare enn i våre dagar.

– Etikken er løfta fram på ein måte som gjer at vurderingar om kva som rett eller feil er gjennomgåande i all saksutgreiing og styresett, seier han.

Fylkeskommunen har nedfelt etiske retningslinjer og har også eit eige etikkutval.

– Har det vore mange saker i etikkutvalet?

– Nei, faktisk ikkje, ingen saker har hamna i dette utvalet. I mi tid som fylkesordførar har vi hatt to store, etisk utfordrande saker, men begge desse sakene vart raskt løfta opp på eit høgare nivå og fekk si løysing der.

Positivt med friske debattar

Askeland trekkjer samstundes fram kommunelova, som

også er tydeleg på kva som er innanfor og uanfor dei etiske normene.

– Det normative – kva samfunnet meiner er rett og gale av dei folkevalde – er blitt langt trongare no enn for ti år sidan, for ikkje å snakka for 20 år sidan.

– Så merksemda rundt etikk er større i dag?

– Ja, mykje større. Vi lever i ei tid der individets rettar er blitt veldig framtredande. Kommune og fylkeskommune har større krav på seg til å grunngje vedtak ut frå grunnleggjande rettspraksis, basert på eit likehandsamingsprinsipp.

Fylkesordføraren meiner vidare det er positivt og sunt med debattar på Facebook, men det er ikkje synspunkta framført på sosiale medier som skal vera retningsgivande for dei folkevalde sine vedtak.

– Men alt er blitt meir ope no, det er i dag heldigvis langt vanskelegare å gjera vedtak i lukka rom.

Knytta neven mot meg

– Har du nokon gong fått karakteristikkar mot deg som du føler er over streken?

Jon Askeland stryk den 17 år gamle katten Mimmi over pelsen medan han tenkjer etter.

– Eg trur ikkje eg har opplevd det. Eg har nok vore heldig i så måte. I samband med diskusjonane før kommunenesamslåinga var det nokre steile frontar som utkrysalliserte seg, og det kunne koma litt tøffe kommentarar, men når folk er veldig engasjerte, må dei få lov til å ytra seg. Men for all del – eg har hatt folk på ordførarkontoret på Manger som nærmast har knytta neven til meg, seier Askeland, og held fram:

– Når enkelte har vore fortvila over eit eller anna og bedt om eit møte med meg, så har eg svara: Eg kan kanskje ikkje hjelpe deg, men eg vil gjerne høyra på deg. Det er ein type etikk i det også. Det kan gagna både personen og situasjonen, og for meg som tillitsvald er dette av stor verdi. Mange ønskjer å møta ein tillitsvald – som ordføraren – i staden for administrasjonen.

Ein klapp på skuldra hjelper

– Har du døme på at du sjølv har brukt uttrykk overfor personar som du har angra på i ettertid?



Det er vanskeleg å fastslå om det var katten Mimmi eller Jon Askeland som var mest glad for å sjå kvarandre igjen etter at fylkesordføraren kom tilbake frå ferie i Nordfjord. Tilfredse er dei i alle fall begge to.

– Eg vel å tru at eg ikkje har gått til djupe personangrep, men at eg har slurva med leppa i kampens hete, er det ingen tvil om.

– Har du som ordførar måtta klubba ned ufine kommentalar?

– Ja, så klart, det har eg. Ein må gjerne føra heftige debattar, men eg har som leiar både i Radøy og i fylket uttalt at eg ikkje vil tolerera ufin oppførsel. Eg har alltid meint at ein etter tøffe ordskifte skal kunna klappa kvarandre på skuldra etterpå, også om du har blitt klubba ned. Det har eg vore heilt klar på, seier Jon, som har politiske motstandarar blant sine beste vene.

– Har det å vera politisk leiar gjort noko med di eiga etiske tenking?

– Eg kan i alle fall seia følgjande: Pass alltid på dei som står bakarst i køen. Eg er blitt meir bevisst på at samfunnet sin kvalitet blir målt på korleis vi tek vare på dei svakaste, dei som har færrest talspersonar. Det har vore ei nyttig erkjenning og ei viktig haldning å ha opp gjennom åra, avsluttar Jon Askeland på gardstunet heime på Sæbø.

**Knarvik
Blomsterstove**



Kvassnesvegen 11 – 5914 Istdalstø
Tlf: 56 35 62 20 – www.knarvikblomsterstove.no



VATNE
begravelsesbyrå



Tlf: **56 35 09 10** (24t)
Kvassnesvegen 11, 5914 Istdalsbø
vatne-byra.no



Øyvind Heggernes er 42 år, kjem frå Askøy, bur no i Austmarka på Radøy. Gift med Karethé, to born. Jobbar som helsefagarbeidar på Meland sjukeheim.

Øyvind Heggernes, helsefagarbeidar og gatemisjonær.

TRENG DU NOKON Å SNAKKE MED?

Nokre som ringer tenker på å ta sitt eige liv, andre er usikre, einsame eller redde.
Nokre treng berre å slå av ein prat.

Ring eller skriv: Vi er her. Alltid. kirkens-sos.no

SOS
22 40 00 40

SOS
CHAT

SOS
MELDING

KIRKENS
SOS

Ei spennande fortid, ei spennande framtid

Tekst: Anne Sofie Nergård Uthaug og Gunvor Taule Mjanger

Foto: Gunvor Taule Mjanger

Øyvind Heggernes skil seg litt ut frå dei fleste helsefagarbeidarar. Ei litt tøff ytterside rommar eit bankande hjarte for dei eldre han arbeider med. Men den rommar også ein historie som er verdt å høre.

Eg møtte Øyvind på Meland sjukeheim på besøk til mor mi, fortel Anne Sofie. Ho innrømmer at ho vart overraska med det same, ein stor sterk mann med nokre tatoveringar som bar preg av eit anna liv. Men ho såg også at han hadde eit godt lag med bebuarane med eit mildt og fint vesen - god til å aktivisera dei gamle, og med mykje respekt for hennar mor med demensliding.

- Korleis hamna du her, Øyvind?

- Eg har ei historie, ei spennande fortid, men ei spennande framtid også, seier Øyvind. Han vaks opp i ein kristen heim med ein god barndom. Starta med litt festing i 14-årsalderen, slik dei fleste unge rundt han også gjorde. Nokre av dei drog det litt lenger enn dei andre, starta med hasj og gjekk vidare til andre stoff. Øyvind kom i fengsel første gong som 18-åring, han feira dagen der. Då var han avhengig av amfetamin og han vart introdusert for heroin i fengselet. Han vart heroinbrukar fram til han var ca 30 år. Ni fengselsopphald vart det, og han brukte stoff heile tida. Litt stoff innanfor fengselsmurane gjev rolegare forhold, det vil alltid vera stoff i fengsel, trur han.

Mora har alltid bede for sonen sin. For 25 år sidan sa ho at ho var roleg for han, ho hadde lagt Øyvind i Guds hender. Ho var sikker på at han ville bli gatemisjonær. Øyvind beundrar mor si: - Når alt går på skinner og du kan ropa halleluja, er det lett å tru på Gud. Det er vanskelegare når du står i stormen, men ho gjorde det.

No er han gatemisjonær, i Bergen.

Vart fri

Øyvind prøvde avrusning i institusjon fleire gonger, utan å lukkast. Mora spurte om han ville prøva ein gong til på ein kristen rehabiliteringsheim, og han sa ja. Då kom han til

Nappane, og han hadde med seg heroin for nokre dagar. Så ville han ringja mora og sei at han hadde prøvd, men det gikk ikkje. Men, då møtte han Jesus som han aldri før hadde gjort det, og vart fri! Fri frå rus, abstinensar, banning og alt anna som følgde med.

– *Slike vitnemål gjev anten håp, eller ‘ja, ja, slik har det ikkje vore for meg’.*

– Kvifor det vart slik for meg og ikkje for andre, veit eg ikkje, seier Øyvind. – Det er ikkje alt me kan forklara. Gud veit mykje me ikkje veit.

Øyvind har stor tillit til Gud. Han vil be for folk, fordi Jesus seier me skal gjera det. Så ligg det i Guds hand vidare. Sjølv har han framleis vondt i ryggen. Han kan ikkje forklara kvifor, når han er fri alt det andre som har plaga han, men Gud veit det.

– Me trur på personen Jesus og hans historie, men ofte trur me lite på det han ber oss om å gjera, seier Øyvind. Sjølv trur han 100 % på Jesus, han trur det er mogeleg å følga Jesus og gjera som han har sagt.

Øyvind har ikkje hatt ein dag han har hatt lyst på rus, minna tyngjer han ikkje. Han er på gata i rusmiljøet kvar veke. Dei som kjenner han der, seier han er ein annan. Han ber bilete av den himmelske, slik det står skrive, trur han.

Frimot og respekt

Etter opphaldet på Nappane, jobba han der ei tid, før han fekk eit vikariat på Bergen Kontaktcenter. Kristen rusomsorg er mykje vilje og evne, men mindre fag, hevdar Øyvind.. Han ville jobba med menneske med rusproblem og ta helsefagutdanning, sidan han såg behovet for fag. I utdanninga fekk han praksis på Meland sjukeheim, og likte seg godt. Sjefen sa han gjorde ein god jobb, og gav han stilling der. Øyvind har no vore der i fem år, og trivst framleis godt. Han er glad for at han får vera kristen på jobb, vera med å møta også det åndelege behovet til dei som bur på sjukeheimen, når dei ønsker det.

Er dei tøffe erfaringane dine noko du har nytte av i arbeidet ditt no?

– Det eg har gått gjennom, har gjort meg til den eg er, seier han, og det er den eg er Gud vil bruка. Øyvind veit kva einsem og isolasjon i institusjon er for noko, og kan bruka ei brokete fortid til noko positivt. Han vil gjera dagane for andre litt betre. « Alle ting tener til det gode for dei som elskar Gud», står det skrive.* Gud kan bruка vonde erfaringar når dei først er der, til noko godt. – Eg prøver å tenkja at det kunne vore mine foreldre som budde på sjukeheimen, seier Øyvind.

Det viktigaste er ikkje at det er strekk i lakenet, at gardinene heng rett og slike ting. Dei som bur på sjukeheimen skal kjenna seg meir som eit menneske enn som ein pasient. Dei skal ha det godt, seier Øyvind.

*Rom 8.28



Fengselstatovering med ny tyding: Always carry a Bible.



**HELLAND
ELEKTRO AS**

EL.INSTALLASJON - INGENIØRENESTER - SERVICE

Torhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Føretaksregisteret: NO 986 751 718 MVA



Arbeidsbåten MS Glimt klar for oppdrag

Allsidig arbeidsbåt som kan frakte materiell og utstyr til din kai eller i fjærsteinene der du trenger det.



Ta kontakt på tlf. 4013 6666

Båten har alle sertiferingar i orden, dei er også godkjent som skipbåt.

MS Glimt er eit deksalsreal på 22 m², og en kapasitet på 3 tonn. I tillegg er det eit kran med 8 tonn løftevikt. Båten har eit dekk på kjeramiske som kan legges ned for å frakte f.eks. minibagger, ATV, motorisert trillebar, lift, stolles eller lignende. Båten stårer 1 m djupt.



Vi kan levere skipspakker med båttransport, stol, maskinutstyr, brennere og matlære, att du måtte ha behov for. Vi har personell og utstyr til å bygge/rehabilitera kaiar, naust, hytter og hus.

Bøvågen Service AS
Bøvågenvegen 16, 5934 Bøvågen
Tlf. 4013 6666





**RISNES
ELEKTRO AS**

Elinstallatør · tlf. 56349620



**Bygg Team
VEST AS**

Alt innan tømrarfaget!

Konfirmasjon

Av sokneprest Kjell Johan Sekkingstad

Konfirmasjonstida er ei tid for læring, og konfirmantar har lært meg mykje. For dei stiller slike spørsmål:

Har du nokon gong tvilt på Jesu oppstode?

Trur du på «Big Bang»?

Kva ventar oss når vi døyr?

Er det kjekt å vera prest?

Eg har undervist konfirmantar i meir enn 25 år. I alle desse åra har ungdomane stilt spørsmål og utfordra meg, og det har fått meg til å forstå kva det er å vera ung, kva det er å vera menneske og medmenneske, og om livet. Det har gjort noko med meg og med trua mi.

Ordet konfirmasjon kjem frå det latinske *confirmare* som tyder å stadfesta, styrkja, kveikja opp. Tidlegare låg vekta på at det var konfirmanten som stadfesta Guds-trua si. Det er framleis mange som fortel at på konfirmasjonsdagen svara dei ja på at dei ville stadfesta dåpslovnaden, og dei ser tilbake på dette som ein viktig dag og eit viktig svar.

I dag er det større forståing for at tru ikkje er noko statisk. Trua endrar seg med tida og med erfaringar som vi gjer. Tru og tvil lever side om side og dominerer i vekslande grad.

Difor er konfirmasjon ei tid for å læra meir om kven den treeinige Gud er. På same måten som vi styrker og fornyer relasjonen når vi møter nokon vi har møtt før – kanskje for lenge sidan, er konfirmasjonstida ei tid for å fornya og styrkja relasjonen til Gud. Og i den avsluttande forbønsgudstenesta seier Gud: «Her er vi, du og eg. Eg stadfester relasjonen vår. Eg styrkjer deg, og gjev deg kveik til livet vidare.»



Robert Hermansen og Emilie Sofie Kalland er to av konfirmanthane på Manger i år.

HELÅS AS

- Gravminner og benkeplater
- Salg av nye steiner
- Vedlikehold
- Reprasjoner (nytt gull eller lakk)
- Navnetilføyelse
- Arbeid på kirkegårder (rette opp og sikre steiner)

Bare ta kontakt dersom du har spørsmål.
Tlf 93 03 75 94 / 56 37 35 45

GÅRDBRUKERSERVICE

LANDBRUK & MARINA

Etablert 1981

KULTUR-KALENDER

Søndag 26. september

Kl. 18.00 i Manger kyrkje. Fri entré.

«Jeg går i tusind tanker»

I høve 250-års-jubileet for Hans Nielsen Hauge tek Frode Skag Storheim oss med inn i Hauge si verd gjennom historie, kunst og musikk.

Meir info og reservasjon av plass på <https://autunnale.no/program-2021/hans-nielsen-hauge/>

Sjå også <https://kyrkja.no/bjorgvin>

Laurdag 23. oktober

Kl. 16.00 i Knarvik kyrkje:

«Eit lite rom» - konsert med Else Olsen Storesund (song, piano, trøorgel) og Solveig Sørheim (song, orgel, trøorgel).

Søndag 24. oktober

**Kl. 19.00. Minnekonsert i Meland kyrkje
for Arvid Sakseide.**

Velkommen til ein konsert der vi vil minnast Arvid i tonar og ord. Eit variert musikalsk program vert framført av nokre av dei aktørane Arvid hadde samarbeid med.


Fredag 12. november

**Kl. 19.00. Konsert i Meland kyrkje
med Solveig Leithaug.**

Onsdag 20. oktober

kl. 19.00 i Knarvik kyrkje

Prest og forfattar Eyvind Skeie kjem til Knarvik onsdag 20. oktober kl. 19. Skeie vil leie ein salmekveld, og med på laget er Alversund kammerkor. Skeie står bak 600 salmar, og han har gitt ut ei eiga salmebok med salmar han sjølv har dikta eller omsett. Skeie er ein av dei med flest salmar i Norsk salmebok. Mellom mykje anna har han også skrive manus til Sesam stasjon og Portveien 2.



Skeie seier sjølv om salmekvelden: «Det gir meg stor glede å komme rundt i norske kyrkjelydar. Det er fint å kunne presentere sine salmar og tankar, men alle best er det å kunne dele inspirasjon og glede. Eg vil gjerne at folk skal oppleve eit rikt spenn av kjensler på salmekveldane mine. Salmen er først og fremst menneskets stemme, i tekst og musikk. Den er gudshenvendelse, i slekt med bøna, både i glede og sorg, tru og tvil.»

Det blir gratis inngang og kollekt ved utgangen.

Tilbake i kirkebenken etter nedstenging

Tekst: Jan Rantrud, benkesliter i Melandkyrkja.

Det var litt som å komme hjem fra eksil. Vår tid utenfor et korona-lukket kirkebygg var jo slett ikke i nærheten av så dramatisk eller så lenge som Israels-folkets mange tiårs eksil i Babylon. De var tvangsfordrevne flyktninger i et annet land. Vi har bare måttet passe på et par meters avstand til hverandre. Men Israels-folket satt ikke bare ved Babylons elver og gråt over savnet av Sion. De tok vare på det de hadde samtidig som de lærte mye nytt. De skrev profetiske og poetiske skrifter og hadde med seg mye nytt tilbake.

Det har vi også. Prester, stab, råd og frivillige har mestret uvante situasjoner

på glimrende måte, og gitt oss gudstjenester, forkynnelse og musikk på nett. Vi har hatt rebusløp, uteaktiviteter og kunstutstilling. Mange av oss har fått oppgradert IT-kunnskapen, i mitt tilfelle fra nesten null til litt over.

Mange av oss her i Alver har jo sluppet billig fra pandemien, og jeg for min del er svært glad for å kunne sitte i trebenene i Melandkyrkja på søndagene for å få tilbake strukturen på ukene. Og for å oppleve igjen fellesskapet av levende mennesker, levende liturgi og musikk.

Og for å kunne se fram til å sitte i nye seter i en ny kirke på Frekhaug.



Frå kyrkjebenken

Tekst: Gunnar Kartveit

Foto: Aud Bjørkhaug

- Kor lenge har du vore aktiv i kyrkjelyden?

For meg starta aktivitetsauken i kyrkjelyden i Radøy med å delta i soknerådet i 2 perioder frå 2012 - 2019. Dette opna opp for mange nye spennande bekjentskap. Oppgåver som medliturg på gudstenester, og deltaking i Utval for Diakoni og Misjon er fellesskap og tenester som er inspirerande å vera med i. Desse har gitt meg anledning å bli kjend med mange nye, flotte personar i kyrkjelyden vår.

- Kva set du mest pris på ved kyrkjelyden?

Gudstenestefellesskap der Jesus Kristus vert forkjent, og at vi har 2 flotte, svært dyktige organistar, som berikar gudtenesteopplevinga for oss; når dei leier og lyfter oss i salmesong, lovprising og all musikk dei bidreg med. I tillegg vil eg nemna alle dei gode opplevingane som berre kjem når vi samlast, anten til gudsteneste eller i andre samanhengar.

- Korleis vil du skildra kyrkja?

Hordabø kyrkje er mi nærværkyrkje og den eg kjenner meg mest knytt til. Det har sikkert også noko med at det var her far fortalte han i sin ungdom gjekk og hørde på prestane Holmås og Rød. Her møter eg engasjerte folk både i kyrkjelydsutval og elles. Sjølv om ein alltid skulle ønskt seg fleire på gudstenestesamlingane, opplever eg at kyrkja betyr noko for folk i bygda og vert sett pris på. Eg tenkjer at dette alltid vil vera ei utfordring at fleire kunne vera med og ta del.

- Kva salme syng du gjerne for tida?

Nett no er det ein gammal Kingo-salme frå 1689; ein salme alle kjenner og som dei fleste av oss har hatt med oss frå barndommen av. Ein salme som tidlegare ofte avslutta dei fleste kristne fellesskap. Eg tenker på salmen: Skriv deg Jesus på mitt hjerte, som dei fleste av oss har sunge mange gonger. Då kan det også vere at orda og innhaldet kan koma litt vekk i gjentakinga. Salmen vart på ein måte "ny" for meg att, då den for kort tid sida vart teke fram i ein andakt eg las. Her er teksten - til ny ettertanke.



FAKTA

Namn: Per Bjørkhaug

Alder: 70 år

Bustad: Villanger på Radøy

Yrke: Pensjonist. Utdanna sosionom/diakon. Har arbeidd i privat og offentleg sektor.

*Skriv deg Jesus, på mitt hjerte, du min konge og min Gud,
at ei lyst, ei heller smerte, deg formår å slette ut!
Denne innskrift på meg sett: Jesus i fra Nasaret,
den korsfestede, min ære og min salighet skal være.*

- Kva kjenneteiknar ein god kyrkjekaffi?

Den gode drøsen rundt kaffen er her eit sikkert kjenneteikn på "God Kyrkjekaffi". Den har vore eit sakn i desse koronatidene, men godt den no er på veg inn att.

HEDER | NORDHORDLAND BEGRAVELSESBYRÅ | Ditt lokale gravferdsbyrå

ALLTID HER FOR deg

DU NÅR OSS PÅ TLF. 56 37 14 10 - 56 99 25 70


Kyrkjevegen 1 Havnevegen 31 Elvavegen 1
Alversund Frekhaug Dalekvam

MELAND ELEKTRO
AUTORISERT ELEKTROENTREPENØR

Mjåtvitflaten 45 • 5918 FREKHAUG
Tlf 56 17 87 00 • post@melandelektr.no
www.melandelektr.no



Diakonalt hjørne



Av Gudveig Kartveit Sundsbø

Vern om skaperverket

For jorda og alt det som fyller henne, hører Herren til. 1.Kor 10,26.

Radøy vert kalla «den grøne øya», med rette! Me har flotte naturområde, og mykje grøne marker og fjell. Det grøne vitnar om liv og vekst. Me vil så gjerne at det skal fortsetje slik! Naturen er for mange ein god stad for undring, glede og kvile.

Det å vere med på utegudsteneste, om det er i Tjorehagen, på Solendfjellet, eller Bø-katedralen, gjev ein ekstra dimensjon til gudstenesta, ei god oppleving av å vere ein del av det store skaparverket. Naturen, dyra, og menneske er alle ein del av skaparverket. I diakonien snakkar me om Vern om skaparverket som ein del av kva det vil seie å vere ei diakonal kyrkje.

Nyleg kom FN's klimarapport med forskarar si utsikt over framtida. Den viser at me alle har eit ansvar for framover å kunne nyte naturen, ja skaparverket, slik vi kan i dag.

«Kyrkja må stadig minne om at vi er kalla til å vise den same omsorga for jorda som Gud har vist oss gjennom den finstemte samanhengen i skaparverket. Kampen for klimarettferd er ein del av oppdraget Jesus Kristus kallar oss til». Bispekonferansen, 2021.



Gudsteneste på Solendfjellet

Kyrkjene på Radøy er sertifiserte som «grøn kyrkjelyd». Enkelt sagt er det ein samlebetegnelse på at me vil vere meir bevisste på miljøet og forbruket vårt. Me skal vurdere bruktkjøpt/reparasjon når me har høve til det, og all kaffi til kyrkjekaffi er fair trade. Dette er to av fleire tiltak i handlingsplanen vår.

I Diakonens hjørne skriv eg, som diakon, om det diakonale arbeidet i kyrkja på Radøy. I år brukar eg dei 4 emna som definerer diakoni i Den norske kyrkja for å presentere breidden i diakoniarbeidet. Ta gjerne kontakt med meg om du vil gje innspel om diakonalt arbeid i kyrkja: Gudveig Kartveit Sundsbø. Sjå kontaktinfo bakerst i bladet.

VINDAUGA

I denne spalta opnar me vindauga til menneske i andre delar av verda

Av Gunnar Kartveit

I det sola står opp, legg fiskarar ut på sjøen – slik fiskarar har gjort i generasjonar før dei, – her, litt sør for Dar es Salaam i Tanzania.

Men no har situasjonen endra seg. For fisken trekkjer lenger ut, og det tyder at dei enkle, gode båtane må erstattast av større og endå meir sjødyktige båtar. Og det tyder større utgifter. For no går fangsten ned, inntektene blir mindre og tilgangen på fersk fisk for folk blir mindre.

Arsaka til dette er klimaendringar. For temperaturen i sjøen her har stige med 1-2 grader. Går me i bad, merkar me nesten ikkje temperaturendringa. Men fisken merkar det, og trekkjer lenger ut mot havet.

Klimaendringane kjenner ikkje landegrenser. Men mange stader er følgjene av endringane meir avgjerande for livsgrunnlaget enn andre stader. Det går ut over liv og helse.

Difor er det så viktig at me er med og bremsar temperaturauken, og tek vare på den vakre jorda vår.



– Velkommen på kyrkjekontoret

Tekst og foto: Håkon Glatved-Prahl

– Her er alle hjarteleg velkomne, seier Kristin Blindheim Brakstad, den nye administrasjonssekretæren på kyrkjekontoret på Manger.

42-åringen frå Åsane er busett på Frekhaug og vart i vår tilsett ved Radøy sokn. Frå kontoret sitt rett inn for døra i Idrettsvegen 1 handterer ho alle førespurnader.

– Eg sökte på eit vikariat i 50 prosent stilling ut året. Jobben blei min, og her på kontoret er eg å finna kvar tysdag og torsdag, seier Kristin.

Arbeidet hennar er knytt til kyrjelege handlingar, som til dømes dåp og vigslar, i tillegg til kontormessige rutinar som bank, post og telefonar av ymse slag.

– Det er berre å ta turen innom til oss her på kyrkjekontoret, legg ho til.

Allsidig bakgrunn

Kristin har røynsle frå ulikt hald. Mellom anna har ho vore sekretær ved NLA Høgskolen på Breistein, jobba på kyrkjekontoret i Meland og jamvel også på prostikontoret.

– Som trebarnsmor har eg hatt ein pause frå arbeidslivet, men no var tida inne til å engasjera meg på nytt. Det angrar eg slett ikkje på. Her er det veldig kjekke kollegaer og miljøet er særskilt godt.

– Kva gjer du når du ikkje er på jobb på Manger?

– Eg likar å trena og går mykje på tur. Krossfjellet er ein favoritt i så måte, med flott utsikt frå toppen.

Eige «fjell» i hagen

Kristin avslører at dei faktisk har eit lite «fjell» i hagen også, med mast på toppen.

– Mannen min har i tillegg bygd eit leikehus til ungane. Det har same utforming som einebustaden vår, så det er jo litt artig.

Blomar og interiør er også blant interessene til Kristin.

– Eg likar å ha det ryddig og fint rundt meg, både heime og her på kontoret.

Dagleg leiar i Radøy sokn, Audun Sylta, er glad for å ha fått Kristin i staben sin.

– Vi har vore utan fast sekretær i lang tid, så no når Kristin er vel på plass, blir kvardagen enklare for oss alle, seier han.

TAKK FOR MINNEGÅVA

på kr 16.766,75 som vart gjeven til Sæbø kyrkje i samband med gravferda til Solveig Storheim



Kristin Blindheim Brakstad er glad for at ho fekk vikariatet på Manger. – Det er eit fint miljø på arbeidsplassen her, seier 42-åringen.

Slekters gang

Radøy

Døypete

13.06.2021	Sigrid Eikeland Risnes
13.06.2021	Noah Nesse Dragøy
20.06.2021	Ylva Morland Fredheim
11.07.2021	Markus Milde Dale
11.07.2021	Levi Generoso Fjellsende
08.08.2021	Oda Nøttveit
08.08.2021	Hermine Lande Kviste
08.08.2021	Tone Albertsen

Gravferd

07.05.2021	Gunnar Kleveland
11.05.2021	Marit Helland
14.05.2021	Bernt Bø
28.05.2021	Karl-Inge Ystebø
28.05.2021	Bernt Haugland
01.06.2021	Bente Eide
15.06.2021	Olga Frøystein
18.06.2021	Klara Oline Hole
25.06.2021	Ragna Grindheim
25.06.2021	Fritjof Oldervik
29.06.2021	Magnhild Berit Sylta
29.06.2021	Inger Marie Klausen
16.07.2021	Solveig Alvhilde Ystebø
13.08.2021	Solveig Hella

Tankestrek

Av Håkon Glatved-Prahls

«Hver dag er en sjeldan gave, en skinnende mulighet. Hver dag er på ny en nåde, som stiger fra himlen ned.».

Slik startar den danske apotekaren og forfattaren Mads Nielsen diktet han skreiv i 1917, og som askøyværingen Marianne Juvik Sæbø syng så vakkert.

Kvar dag er ei sjeldan gave. Ja, tygg litt på den. Kvar dag gir deg rom til å gjera eller sei noko nytt, noko spennande. Det er ditt val.

Det er lite som skil ei positiv oppleving frå ei negativ oppleving med omsyn til kva ord eller uttrykk du vel å bruka.

For ein del år sidan jobba eg under ein sjef som var særstilt oppteken av språkbuken i årsmeldingane. Hadde det vore eit dårleg år økonomisk, ville ho for all del ikkje at skulle stå skrive at det hadde vore ei negativ utvikling i selskapet. Ho ville heller at det skulle stå «ei mindre positiv utvikling enn venta».

Sett at du får slengt i deg: «Det der var skikkeleg dårleg gjort!» Ei slik utsegn kan forsura resten av dagen for deg. «Er du sikker på at dette var vel gjennomtenkt», ville ganske sikkert vore eit alternativ i dette påtenkte eksempelet.

Språkets mange nyansar er fascinerande. Og det er kun du sjølv som rår over kva som skal presenterast verbalt. Dermed er det også opp til deg korleis du ønskjer, eller håpar, at bodskapen din skal bli oppfatta.

Val av ord og uttrykk er slett ikkje uvesentleg. Frå min ståstad er det naturleg å vera positiv i utgangspunktet. Skulle det derimot oppstå negativitet, er det nok smart å uttrykkja seg litt mindre positivt enn å vera direkte negativ.



DEN NORSKE KYRKJA

Radar:

Radøy kyrkjekontor Idrettsvegen 1
A, 5936 Manger

Opningstid:

Tysdag – onsdag kl 10.00 – 14.00.

Telefon:

4000 1691
kvar dag kl 10.00 – 14.00.

post.radoy@kyrkja.no www.kyrkja.no/radoy

Facebookside:

radoykyrkjelyd

Kontonummer:

3636 07 04682

Vipps:

24042

Hugs å merka kva betalinga gjeld.

Alver kyrkjelege fellesråd

Lonsvegen 1, 5914 Isdalstø

post.alver@kyrkja.no

www.kyrkja.no/alver

Kyrkjeverje: John Fredrik Wallace
jw7340@kyrkja.no

Leiar i fellesrådet: Grethe Lunde,
gr-lunde@online.no

Soknerådsleiar Radøy:

Gunnar Kartveit
gunnar@kartveit.com

Radar

Utgjevar: Soknerådet i Radøy
sokn, i samarbeid med Meland
sokn, Knarvik sokn, Osterfjorden
sokn og Mo sokn.

Redaktør: Gunvor Taule Mjanger
Lokal redaksjon: Gunnar Kartveit
og Håkon Glatved-Prahls.

Grafisk design: Simen Søvik
Trykk: Bodoni AS

Framsidebilete: Markus Marøy
Ervik, Noa Sjursen Daae og Jakob
Vogelaar på speidarleir



Audun Sylta

Dagleg leiar Radøy og Lindås
901 95 179



Helge Taranrød

Prost
415 28 318



J. William Kay

Organist I/Rådgjevar
915 91 482



John Fredrik Wallace

Kyrkjeverje
482 84 872



Frode Skag Storheim

Organist II
948 38 985



Kristin Blindheim Brakstad

Administrasjonssekretær
400 01 691



Håkon Glatved-Prahls

Kyrkjetenar
900 89 450



Thor Sommerseth

Prest
913 17 559



Gudveig Kartveit Sundsbo

Diakon
938 40 587



Wilco Vogelaar

Kyrkjelydspedagog
479 73 670



Kjell Johan Sekkingstad

Sokneprest
951 41 360



Arne Palmesen
Kyrkjegardsarbeidar
911 53 484



Monica Haukeland
Kyrkjetenar
966 97 814

GUDSTENESTE-KALENDER

5. september

15. sundag i treeiningstida
Manger kyrkje 11:00
Thor Asbjørn Sommerseth.
John William Kay
Konfirmantpresentasjon

5. september

15. sundag i treeiningstida
Manger kyrkje 12:00
Thor Asbjørn Sommerseth.
John William Kay
Konfirmantpresentasjon

12. september

16. sundag i treeiningstida
Hordabø kyrkje 11:00
Thor Asbjørn Sommerseth.
Frode Skag Storheim

19. september

17. sundag i treeiningstida
Manger kyrkje 11:00
Thor Asbjørn Sommerseth.
John William Kay

26. september

18. sundag i treeiningstida
Sæbø kyrkje 11:00
Kjell Johan Sekkingstad.
Frode Skag Storheim

3. oktober

19. sundag i treeiningstida
Manger kyrkje 11:00
Thor Asbjørn Sommerseth.
John William Kay
Utdeling av 4-årsbok

10. oktober

20. sundag i treeiningstida
Hordabø kyrkje 11:00
Thor Asbjørn Sommerseth.
John William Kay

17. oktober

21. sundag i treeiningstida
Manger kyrkje 11:00
Helge Taranrød, Kjell Johan
Sekkingstad. Frode Skag
Storheim

24. oktober

22. sundag i treeiningstida
Sæbø kyrkje 11:00
Kjell Johan Sekkingstad.
Frode Skag Storheim

31. oktober

Bots- og bededag
Manger kyrkje 19:00
Thor Asbjørn Sommerseth.
John William Kay
Tomasmesse

7. november

Helgemessesundag
Manger kyrkje 19:00
Kjell Johan Sekkingstad,
Thor Asbjørn Sommerseth.
John William Kay
Minnegudsteneste

14. november

25. sundag i treeiningstida
Hordabø kyrkje 11:00
Thor Asbjørn Sommerseth.
Frode Skag Storheim
Tårnagenthelg

21. november

Siste sundag i kyrkeåret
Manger kyrkje 11:00
Kjell Johan Sekkingstad.
John William Kay

28. november

1. sundag i adventstida
Sæbø kyrkje 11:00
Thor Asbjørn Sommerseth.
Frode Skag Storheim

5. desember

2. sundag i adventstida
Manger kyrkje 11:00
Thor Asbjørn Sommerseth.
John William Kay
Avskilsgudsteneste for Thor
Sommerseth.



Sæbø kyrkje



Manger kyrkje



Emigrantkyrkja



Hordabø kyrkje

DET SKJER:

Kvar onsdag kl 16-17,
første gong 20. okt.:
Kvardagsmiddag for alle,
Rastepllassen

Onsdagar kl 17-18:30,
oddetalsveker: Godly Play
/ Gudsrikeleiken, Manger
kyrkje. Barn 6-10 år.

Onsdagar kl 17-17:45,
partalsveker: Barnekor 4 år
– 2. klasse, Manger kyrkje

Onsdagar kl 18-19,
partalsveker: Barnekor 3.-7.
klasse, Manger kyrkje

Kvar torsdag kl 08:30-08:50:
Morgonbøn, Manger kyrkje.
Open for alle

Kvar torsdag kl 10:30:
Babysong, Rasteplassen

For meir info:
Sjå kyrkja.no/radoy

Påmelding: minkirkeside.no/radoy eller tlf 938 40 587

Song- og musikk-arrangement i Manger kyrkje

I sist utgåve av Radar skreiv vi at det blir fire song- og musikk-arrangement i Manger kyrkje hausten 2021. Grunna korona vert det dverre berre eitt, og det vert like før jul. Les meir om det i Radar som kjem i slutten av november.